

清·方略館 編

清代 方略 全書

北京圖書館出版社



清代方略全書

一五一

清·方略館編

北京圖書館出版社

欽定剿平捻匪方略卷一百五

辛酉年



五月初七日甲午嚴樹森奏言據鄭元善張曜及

汝甯陳州各府縣稟報霍莊踞匪陳大禧等負
隅抗拒我軍步步進逼四月十三日分路齊攻
蔡溝鄉團爲頭敵該逆由東西兩門出馬步二
三千人迎拒張曜督大隊由西進攻匪始敗竄
其東路一股派礮隊轟擊斃匪多名餘賊遁入

寨中十四日賊由寨東出馬步數千向東北疾走寨內偃旗縱火示我空虛張曜撥隊抄襲該匪恐斷歸路全數遁回十六日該匪又出馬步六七千分爲三路兩股分撲金鄉姚灣一股趨中路爲左右接應官軍亦分路迎勦張曜派蘇謙劉自順帶馬隊衝入賊陣奮勇揮擊賊隊大亂金鄉姚灣各步隊繼至掩殺二百餘人直抵

濠邊寨內礮石齊下未能攻入十七日汝郡城
東高平寺寨被陳大禧之弟陳汶勾結阜匪千
餘人由平輿竄入占踞欲爲霍寨援應鄭元善
調撥馬隊選募壯勇並飭該府縣各帶練勇通
判張桐帶汝南團練馳勦該匪由寨西門出馬
步千餘人迎拒參將柏英督隊猛進匪勢不支
向東狂奔我軍轟開寨門寨內尙有悍匪數百

人張桐首先入寨兵勇分路搜殺生擒宋至潰等十餘名立將高平寺寨克復其餘徐四萬一股圍攻項城屬之新興集該縣知縣恆倫於十二日帶團馳勦該逆卻潰我軍追至阜境斃匪數百名生擒五名十九日廟灣股匪四五百人在鄭樓焚搶恆倫率練勇會勦斃匪二百餘人其前踞沈邱寨之周慙一股先經該縣知縣督

率團勇克復沈邱項城現無匪蹤又據鹿邑縣知縣稟報亳西捻逆復圖出擾參將春林於二十二日乘夜攻其不備突入賊營該匪驚潰追殺十餘里二十三日又有另股紅白旗賊匪西竄經勇團迎剿斃賊多名匪向東遁查汝甯土匪盤踞霍寨尤須迅圖攻克以除內患擬卽由陳派隊馳往合擊並飭帶兵司道妥速進剿歸

德邊防現雖擊退竄匪而路路可通難保不因
麥熟肆行掠糧當嚴飭將弁認真堵禦臣俟汝
郡勦辦得手陳郡布置就緒卽馳赴歸德力求
整頓謹將勸空路濠告示鈔錄恭呈

御覽奏八

上諭曰告示已覽汝自縣令出身於民間情形經練已
久然州縣爲親民之官於一切示諭不妨詞語俚鄙

以期家喻戶曉至封疆大吏自有體制若遇事皆似此四言韻語殊屬不成事體此則成事不說嗣後仍宜恪守向章以崇體制

初九日

丙申

僧格林沁西凌阿國瑞奏言鄒縣教

匪宋繼朋等悔罪投誠後當飭四鄉居民各歸本業臣等帶兵駐紮土旺飭署兗州府知府來秀等節次前往催其作速歸農茲據宋繼朋等

屢向來秀哀求以大兵駐紮切近歸鄉男婦皆
懷畏懼不敢下山懇將大兵暫撤卽可歸鄉不
敢稍有遲滯等語正在辦理閒旋據單縣魚臺
等處稟報南捻趙浩然又裝旗出巢在豐碭一
帶游弋未審所向曹屬各處聞此警報良民不
無心慌匪類恐愈思蠢動東昌等處匪徒雖經
譚廷襄帶兵進剿獲勝究屬賊衆兵單前經咨

請撥兵助勦權其輕重亦應先顧北路藩籬乘
宋繼朋等哀懇撤兵之際卽可分兵前往以安
其心五月初二日將馬步各隊由土旺撤回鄒
縣一面派員曉諭宋繼朋等知我大軍撤回是
日卽紛紛下山所有安撫事宜委來秀等妥爲
經理並令署兗州鎮總兵雙齡帶領本鎮官兵
二百名在彼彈壓臣等卽由鄒縣帶兵駐紮長

溝與臣西凌阿商辦曹屬黃河南北兩岸土匪
事宜河北賊匪現擬臣西凌阿統帶黑龍江各
起馬隊共一千餘名於初五日由汶上東平一
路馳赴東昌會同譚廷襄所帶官兵合力進剿
以期早清北路至曹屬會匪勾結各處土匪肆
行滋擾擬飭翼長舒通額等帶領馬步兵勇駐
紮鉅野相機進剿仍由臣等張貼告示諭以利

聞

害令其改過自新散其脅從分別辦理奏入報

初十日丁酉毛雍熙奏言四月初二三等日各股

捻匪圍困永城縣屬十八里鄧陽集大李樓並

西北各民寨又在旺家堂築起土圩一道扼我

皖豫咽喉永城城關亦被圍困人心岌岌勢將

瓦解適臣所派參將烏圖理往援項城之隊尙

未起身卽令改赴永城臣復派降調湖廣道御史尹耕雲署歸德府知府祝壇各帶小隊同往石榴壩寨會亭一帶調集民團剴切曉諭並令駐紮廬廟之同知張志誠等聯絡團練晝夜梭巡歸德鎮總兵慶文親督標兵馳往會剿又調齊各練扼要堵紮何處有警馳援何處而該逆愈聚愈多屢擊不退臣一面仍督兵練認真防

聞

勦一面飛咨撫

臣

趕緊來宋會商辦理奏入報

同日賈臻奏言阜東土匪王金奎勾結北捻盤

踞沙河北岸

臣

當撥兵勇千人分紮各埠口並

於上下游往來巡邏賊匪屢次乘夜偷渡均經

隨時擊退四月二十九日該匪在三里灣對岸

搶築土圩卽調兵勇二百名列隊河干開礮轟

斃數人該匪自上游之毛家灣渡過數百人迎頭來撲把總郝振坤等各隊見臣親自督戰均極踴躍一擁衝入賊中殺傷數十人該匪立即回遁臣帶隊乘勢壓下斃賊約三百餘人內有擒首徐金漳一名聞係率領民圩數十處與王金奎同謀倡亂之人生擒二名該逆等經此懲創或可稍知畏懼惟河東築圩之匪尙未退散

沿河上下渡口甚多時虞竄越現當麥秋已居
農民刈穫惟恐後時募勇調團未能剋期卽至
臣惟有就現存兵勇竭力支持不敢稍涉怠弛
奏入善悉心籌畫查勘剿辦光復四風慰賑卹恤

上諭內閣曰此次阜東土匪王金奎勾結北捻屢欲偷
渡沙河經官軍堵剿獲勝斃賊三百餘人著賈臻乘
勝將河東築圩之匪迅速剿除如該匪經此次懲創